



Bosnia and Herzegovina
Federation of Bosnia and Herzegovina

CANTON SARAJEVO
Professional Office for Common affairs

Broj: 17-11-36756-18/20

Datum: 14.01.2021. godine

Na osnovu člana 69. stav (2) tačka d) i člana 70. stav (1) (4) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 6. Uredbe o obrazovanju Stručne službe za zajedničke poslove Kantona Sarajevo (“Sl. Novine Kantona Sarajevo broj 5/06 – Prečišćeni tekst) i Preporuke Komisije za javnu nabavku, isporuku, instaliranje i puštanje u rad opreme za monitoring kvalitete zraka, načelnik Stručne službe za zajedničke poslove je donio

ODLUKU

o poništenju postupka javne nabavke, isporuke, instaliranja i puštanja u rad opreme za monitoring kvalitete zraka za LOT 2 - Nabavka opreme za pripremu uzorkovanja

Član 1.

(Predmet Odluke)

Prihvata se Preporuka Komisije za javnu nabavku, isporuku, instaliranje i puštanje u rad opreme za monitoring kvalitete zraka sadržane u Zapisniku o pregledu i ocjeni ponuda broj: 17-11-36756-15/20 od 25.12.2020. godine i poništava se LOT 2 otvorenog postupka javne nabavke, isporuke, instaliranja i puštanja u rad opreme za monitoring kvalitete zraka - Nabavka opreme za pripremu uzorkovanja.

Član 2.

(Obavještenje učesnika u javnoj nabavci)

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Član 3.

(Objava Odluke)

Ova odluka objavit će se na web stranici ugovornog organa, <http://jn.ks.gov.ba> u skladu sa članom 70. stav (6) Zakona o javnim nabavkama.

Član 4.

(Stupanje na snagu)

Ova odluka stupa na snagu danom donošenja.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-11-36756 od 25.09.2020. godine.

Javna nabavka je provedena putem otvorenog postupka javne nabavke.

Ukupna procijenjena vrijednost nabavke iznosi 132.688,00 KM bez PDV-a, od čega za LOT 2 35.688,00 KM bez PDV-a.

Obavještenje o nabavci objavljeno je na portalu E-nabavke dana 29.09.2020. godine i 27.11.2020. godine, broj postupka: 1230-1-1-67/20, i u "Službenom glasniku BiH" broj 63 od 09.10.2020. godine i broj 78 od 04.12.2020. godine.

Komisija za javnu nabavku imenovana je Rješenjem o imenovanju broj: 17-11-36756 od 08.07.2020. godine.

Krajnji rok za prijem ponuda bio je 07.12.2020 godine do 13:00h, a javno otvaranje ponuda je upriličeno isti dan u Multimedijalnoj sali (ul. Reisa Džemaludina Čauševića 1), sa početkom u 13:30h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 17-11-36756-15 od 25.12.2020. godine koji ujedno čini preporuku Komisije o izboru najpovoljnijeg ponuđača.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kojima je utvrđeno sljedeće:

- Ukupan broj pristiglih ponuda: 1
- Broj blagovremeno zaprimljenih ponuda: 1
- Broj neblagovremeno zaprimljenih ponuda: 0
- Broj prihvatljivih ponuda: 0
- Broj neprihvatljivih ponuda 1

Komisija je pristupila analizi dostavljene dokumentacije u smislu provjere validnosti ponude obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom i ostalim podzakonskim aktima.



Prikaz prihvatljivosti ponuda prema obliku, sadržaju i potpunosti, iz zapisnika sa otvaranja ponuda – analitička tabela:

Red. br.	Evidencijski broj ponude	PONUĐAČ	Datum prijema	Vrijeme prijema	Ponuđeni popust
1.	17-11-49190	E3 d.o.o.	07.12.2020.	11:57h	/

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da ponuđač "E3" d.o.o. Sarajevo nije dostavio ponudu u skladu sa odredbama iz tenderske dokumentacije.

Naime, navedeni ponuđač je u svojoj ponudi broj: P-020-102-2-016 od 02.12.2020. godine (str.12) dostavio izjavu o primjeni preferencijalnog tretmana u kojoj novodi: „*Mi, firma E3 d.o.o. Sarajevo, izjavljujemo da robe koje nudimo nisu BiH porijekla, te da na našu robu nije moguće primijeniti preferencijalni tretman.*“. U istoj ponudi (str.17) ponuđač „E3“ d.o.o. Sarajevo u dostavljenom katalogu navodi kao proizvođača: „*Proizvođač : E3 d.o.o. Sarajavo*“, čime ponuđač Ugovornog organa dovodi u zabludu, te se u skladu sa navedenim ponuda ocjenjuje kao neprihvatljiva.

Nadalje, u tenderskoj dokumentaciji (str. 7) je zahtjevano da je u okviru *1.5. Tehnička i profesionalna sposobnost – član 48.-51. Zakona*, a u svrhu dokazivanja ispunjenosti uslova iz tačke (2), ponuđač dužan dostaviti:

„*Originalan i preveden Katalog na jedan od službenih jezika BiH (prevod ovjeren od strane sudskog tumača), sa prospektnom dokumentacijom i slikama ponuđene robe sa jasno naznačenim svim njenim elementima, oznakama i karakteristikama iz kojih se jasno može utvrditi da sva ponuđena roba zadovoljava sve zahtjevene tehničke karakteristike.*“

Navedeni ponuđač nije dostavio dokument koji se može smatrati katalogom proizvoda koje nudi na tržištu. U dostavljenom dokumentu ponuđač nudi nejasnu sliku ponuđene robe na kojoj se ne vide svi sastavni elementi, kao ni oznake opreme koje nudi čime se ne može sa sigurnošću utvrditi da ponuđena roba zadovoljava sve zahtjevene tehničke karakteristike (npr. na slici nije vidljiv vanjski priključak za vodu i vanjski kompresor, isparivač, jedinica ovlaživača, traženi displej nije jasno prikazan koja se očitavanja prate), čime je njegova ponuda nepotpuna i ne ispunjava zahtjeve iz tenderske dokumentacije.

U skladu sa navedenim, ponuda ponuđača "E3" d.o.o. Sarajevo se odbacuje kao neprihvatljiva i nepotpuna u skladu sa članom 68. stav (4) tačka i) Zakona o javnim nabavkama.

Na osnovu izloženog, Komisija je rukovodiocu ugovornog organa dala preporuku da predmetni postupak za LOT 2 poništi u skladu sa članom 69. stav (2) tačka d) Zakona) iz razloga što nijedna od primljenih ponuda nije prihvatljiva.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Na osnovu gore navedenog, odlučeno je kao u dispozitivu ove Odluke u skladu sa članom 69. stav (2) tačka d) Zakona.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1



POUKA O PRAVNOM LIJEKU:

U skladu sa članom 101. Zakona o javnim nabavkama, protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke, na način propisan članom 99. Zakona.



Dostaviti:

1. Ponuđaču
2. a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1

